

Headlines

1. मुखमंत्री उमर अब्दुल्ला होरें भारत च स्वित्जरलैंड दी राजदूत माया तिसाफी हुंदे कन्नै मलाटी करियै सैलसफा ते बागवानी खेत्तरे च आपसी साथ-सहयोग बधाने बारै चर्चा कीती।
2. मध्य प्रदेश दे मुखमंत्री मोहन जादव होरें मध्य प्रदेश च मां बाग देवी मंदरै गी श्री माता वैशुणो देवी मंदरै दी तर्ज पर विकसित करने दे हाई कोर्ट दे फैसले मगरा माता वैशुणो देवी श्राइन दा दौरा लाया।
3. मरम्मत कम्म मुकम्मल होने मगरा औंदी 31 मई थमां कठुआ-माधोपुर थमां रेल सेवा परतियै शुरू करी दिती जाह्ग।
4. भद्रवाह 6 जून थमां चौथे लैवेंडर फेस्टिवल दी मेजबानी लेई पूरी चाल्ली तैयार, केंद्री मंत्री डा. जितेंद्र सिंह होर समारोह दा उद्घाटन करडन।
5. मौसम विभाग नै जम्मू-कश्मीर दे मते सारे हिस्सें च अज्ज ते कल हल्की बरखा ते अंधी झक्खड़ चलने दी पेशगोई कीती ऐ।

<><><><><><>

Swiss Amb. CM

भारत ते स्वित्जरलैंड बश्कार आपसी साथ-सहयोग होर निग्गर करने दी बत्ता च इक होर गैंह पुट्टदे होई भारत च स्वित्जरलैंड दी राजदूत माया तिसाफी होरें अज्ज मुखमंत्री उमर अब्दुल्ला हुंदे कन्नै श्रीनगर च मलाटी कीतीं आपसी साथ-सहयोग कन्नै सरबंधत मुद्दे जिआं टिकाऊ-सैलसफा, बागवानी ते होर दुए सरबंधत मुद्दे जिआं टिकाऊ सैलसफा, बागवानी ते होर दुए सरबंधत क्षेत्रें बारै तफसीली चर्चा कीती। इस दरान आपसी साथ-सहयोग गी होर निग्गर बनाने बारे मुख तौरा पर चर्चा कीती गेई। कल स्वित्जरलैंड दी राजदूत होरें श्रीनगर च लोकभवन च उपराज्यपाल मनोज सिन्हा हुंदे कन्नै बी मलाटी कीती ते स्वित्जरलैंड बश्कार प्रमुख क्षेत्रें च आपसी साथ-सहयोग बधाने बारै बी चर्चा कीती।

<><><><><><>

Mohan Yoadav Katra

मध्य प्रदेश दे मुख्मन्त्री मोहन यादव होरें हाल च गै वष्टि अधिकारिणं कन्नै श्री माता वैशुणो देवी मंदरै दा दौरा लाया ते प्रबंधन सरिस्ते ते यात्रुणं गी दित्ती जा'रदियें सुविधाएं दी जानकारी हासल कीती। उंदा एहू दौरा मध्य प्रदेश सरकार दे उनें यत्नें दा इक्क हिस्सा ऐ, जेहदे तैहत ओहू मां वाग देवी मंदरै गी मां वैशुणो देवी मंदरै दे तर्ज उप्पर विकसित करा'रदे न, जेहदे तैहत धार्मिक पर्यटन ते भीड़ प्रबंधन उप्पर बी ध्यान केंद्रित कीता जाहगा। प्रतिनिधिमंडल नै सुरक्षा, साफ-सफाई, सी.सी.टी.वी ते होर दुई टेकनालजी दा बी जायजा लैता। एहदे अलावा अधिकारियें माता वैशुणो देवी जी दे दरबार औने आहले करोड़ें दी गिनतरी च यात्रुणं दे प्रबंधन सरबंधी श्राइन बोर्ड दे प्रशासनिक माडल बारै बी जानकारी हासल कीती।

<><><><><><>

Dy. CM SDH

उपमुख्मन्त्री सुरिंदर चैधरी होरें अज्ज नशैह्वा आहले उप-जिला अस्पताल दा दौरा लाइयै उत्थे सेहत दिक्खभाल सुविधाएं ते मरीजें लेई उपलब्ध सेवाएं दा जायजा लैता। अपने दौरे दरान उ'नें मरीजें ते उं'दे तीमारदारें कन्नै गल्लबात करियै उं'दिणं चैंताणं गी सुनेआ ते अस्पताल दे पूरे-पराते कम्मैकाजै दी समीक्षा बी कीती। उ'नें सरबंधत अधिकारिणं गी निर्देश दित्ता जे ओहू सेवाएं च सुधार, बेल्ले सिर इलाज ते मरीजें गी बेहतरिन सुविधाएं दी दस्तयाबी जकीनी बनाना। उपमुख्मन्त्री होरें जोर देइयै आखेआ जे लोकें गी मय्यारी सेहत स्थूलतां उपलब्ध करोआना, सरकार दी मुख्म प्राथमिकता ऐ।

<><><><><><>

Rail

9 म्हीने दे बक्फे परैंत 31 मई थमां जम्मू थमां आने जाने आहिलियें ट्रेनें दी सेवा परतियै बहाल करी दित्ती जाहगा। पिछले बरे हाड़ करी कठुआ ते माधोपुर दा रेलवे पुल नंबर 17 गी बड़ा मता नुकसान होआ हा जेहदे करी उसी बंद करी दित्ता गोआ ते ओहदे मरम्मत दा कम्म जारी रेआ। जम्मू रेलवे डिविजन नै इनें ट्रेनें दे परतियै चलने दी घोशणा कीती। एहदे अलावा गर्मियें च यात्रुणं दे रश गी घट्ट करने लेई जम्मू तवी, नमीं दिल्ली राजधानी एक्सप्रेस, ट्रेन नंबर-12426 ते कटड़ा नमीं दिल्ली एक्सप्रेस ट्रेन रंबर-04082 च बादू डब्बे लाए जाडना।

Lavernder Fest.

औंदी 6 ते 7 जून गी चौथे लैवेंडर उत्सव दी मेजबानी लेई भद्रवाह पूरी चाल्ली तैयार ऐ। इस मेले दरान जम्मू- कश्मीर ते दुनिया भरै च बी परपल रेवेल्यूशन ते लैवेंडर आधारित ग्रामीण उद्यमिता दी कामयाबी गी दर्शाया जाह्ग। सी.एस.आई.आर, ट्रिपल आई.एम आसेआ भद्रवाह दे सरकारी डिग्री कालेज च आयोजित कीते जाने आह्ले इस उत्सव दा उद्घाटन केंद्री मंत्री डा. जितेंद्र सिंह हुं'दे आसेआ कीता जाह्ग। सी.एस.आई.आर, ट्रिपल आई.एम जम्मू दे डरैक्टर जबीर अहमद होरें आखेआ ऐ जे सी.एस.आई.आर दे एरोमा मिशन नै 5 ज्हार शा मते करसानें ते उद्यमियें गी लाहू हासल करोआया ऐ।



Ramban-NRLM

रामबन जिले च ग्रामीण विकास मंत्रालय तैहत राश्ट्री आजीविका मिशन आप सहायता समूहें दे राएं गरीब लोकें, खास करियै महिलाएं गी सशक्त बनांदे होई ग्रामीण समुदायें लेई बड़ा फायदेमंद साबत होआ करदा ऐ। इस योजना दा मकसद एहू यकीनी बनाना ऐ जे हर ग्रामीण परोआर चा घट्टोघट्ट इक्क महिला आप सहायता समूह दी सदस्य बनै तां जे टिकाउ आजीविका, कौशल विकास ते माली समावेशें गी बढ़ावा श्होऐ। एहू पैहलकदमी जिले दे दूर-दरेडे इलाकें च स्वरोजगार आह्ले सिखलाई कार्जक्रमें ते उद्यम कारखानादारी पर बी केंद्रित ऐ। अधिकारियें दा आखना ऐ जे एहू कार्यक्रम ग्रामीण महिलाएं गी आत्मनिर्भर बनने ते उंदी आर्थिक दषा च सुधार लेई बड़ा मददगार ऐ।



Forest Fire Poonch

पुंछ जिले दे उच्चे पहाड़ी जंगलें च कल अगग लगगने करी जंगलात दी संपत्ति गी बड़ा मता नुक्सान पुज्जा ते ऐतिहासिक मुगल रोड राहें सफर करने आह्लें अंदर बी डर-त्राहू आह्ला म्हौल बनी गेआ कीजे अगग दिआं लपटां ते धुंआं सिडकै दे कोल-कश पुज्जी गेआ ते इस करी पुंछ ते शोपियां बश्कार किश चिरै लेई गड्डिएं दी आओजाई बी रोकी गेई। जंगलात मैहकमे आसेआ मुकामी स्वयंसेविएं दे सैह्योग कन्नै कीती गेदी फौरी कार्रवाई दी बदौलत अगगी पर काबू पाया जाई सकेआ। अधिकारिएं इस गल्लै दी तसदीक कीती ऐ जे हालात हुन काबू च न ते लगातार निगरानी रक्खी जा करदी ऐ।

Weather

मौसम विभाग श्रीनगर नै अज्ज ते कल जम्मू-कश्मीर दे मते सारे इलाकें च हल्की बरखा ते अंधी-झक्खड़ चलने दी पेशगोई कीती ऐ। उआं 31 मई शा 3 जून तगर मौसम आमतौरा पर खुशक गै रौह्गा। एह्दे मगरा 4 ते 5 जून गी बी मते सारे इलाकें च गरज-चमक कन्नै हल्की बरखा पौने दे असार ना। मौसम विभाग नै 6 थमां 8 जून तगर मौसम दे खुशक रौह्ने दा अनुमान जताया ऐ। लोकें गी अंधी-झक्खड़ दरान सासैह्गा रौह्ने लेई आखेआ गेआ ऐ।

